

**BOSNA I HERCEGOVINA**  
**FEDERACIJA BiH**  
**TUZLANSKI KANTON**  
**Ministarstvo prostornog uređenja i zaštite okolice**

Broj: 12/1-23-012842/18  
Tuzla, 05.06.2018. godine

Na osnovu člana 100. stav 3. Zakona o javnim nabavkama ("Službeni glasnik BiH" broj: 39/14), na preporuku Komisije za javnu nabavku broj: 12/1-23-012842/18 od 05.06.2018. godine u postupku javne nabavke – Nabavka roba i radova rekonstrukcije javnih objekata u skladu sa Akcionim planom energijske efikasnosti javnih objekata na području Tuzlanskog kantona za 2018. godinu – sportske dvorane u Kladnju i Teočaku, ministar Ministarstva prostornog uređenja i zaštite okolice Tuzlanskog Kantona donosi

**ODLUKU**  
**o izboru najpovoljnijeg ponuđača za LOT 3**

**I**

Usvaja se žalba ponuđača „Vodo-ins“ d.o.o. Tuzla od 01.06.2018. godine podnesena Ministarstvu prostornog uređenja i zaštite okolice TK na Odluku o izboru najpovoljnijeg ponuđača broj: 12/1-23-012842/18 od 28.05.2018. godine u postupku javne nabavke – Nabavka roba i radova rekonstrukcije javnih objekata u skladu sa Akcionim planom energijske efikasnosti javnih objekata na području Tuzlanskog kantona za 2018. godinu – sportske dvorane u Kladnju i Teočaku LOT 3.

**II**

Najpovoljniji ponuđač u postupku javne nabavke iz člana I u skladu sa ponovljenom analizom dostavljenih ponuda i preporukom Komisije za javnu nabavku od 05.06.2018. godine jeste „Vodo – ins“ d.o.o. Tuzla:

Broj ponude: 206/2018; cijena ponude 83.717,80 KM (bez PDV-a), odnosno 97.949,83 KM (sa PDV-om), sa garantnim periodom od 24 mjeseca i rokom izvršenja radova od 60 dana.

**III**

Prijedlog ugovora o nabavci dostavit će se na potpis izabranom ponuđaču „Vodo-ins“ d.o.o. Tuzla za LOT 3 po isteku roka od 15 dana, računajući od dana od kada su svi ponuđači obaviješteni o izboru najpovoljnije ponude. Ovom Odlukom stavlja se van snage Odluka o izboru najpovoljnijeg ponuđača broj: 12/1-23-012842/18 od 28.05.2018. godine, a u dijelu koji se odnosi na LOT 3.

**IV**

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke za LOT 3, u skladu sa članom 71. stav 2. Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 12/1-23-012842/18 od 26.04.2018. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je: LOT 1 – 25.641,03 KM; LOT 2 – 76.923,07 KM;

LOT 3 – 85.470,08 KM; LOT 4 – 42.735,04 KM

UKUPNO PROCIJENJENA VRIJEDNOST: 230.769,22 KM.

Obavještenje o nabavci broj: 102-1-3-5-3-11/18 poslato je na objavljivanje dana 27.04.2018. godine, a objavljeno je na Portalu javnih nabavki dana 27.04.2018. godine, sažetak obavještenja o nabavci objavljen je u „Službenom glasniku BiH“, broj: 28 od 04.05.2018. godine.

Komisija za javnu nabavku imenovana je Rješenjem broj: 12/1-23-012842/18 od 26.04.2018. godine.

Komisija za javnu nabavku dostavila je dana 25.05.2018. godine Izvještaj o radu, Zapisnik o ocjeni ponuda i Preporuku o izboru najpovoljnijeg ponuđača u postupku javne nabavke – Nabavka roba i radova rekonstrukcije javnih objekata u skladu sa Akcionim planom energijske efikasnosti javnih objekata na području Tuzlanskog kantona za 2018. godinu – sportske dvorane u Kladnju i Teočaku.

Komisija za provođenje postupka javne nabavke je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: četiri,
- Da je blagovremeno zaprimljeno: četiri ponude,
- Da su ponude ponuđača „Niwex“ d.o.o. Derventa, „DŽENA“ d.o.o. Gradačac, „Kovan M.I.“ d.o.o. Gračanica i „Vodo – ins“ d.o.o. Tuzla kvalificirane.

Uvidom u priloženu dokumentaciju, ponuđači „Niwex“ d.o.o. Derventa, „DŽENA“ d.o.o. Gradačac, „Kovan M.I.“ d.o.o. Gračanica i „Vodo – ins“ d.o.o. Tuzla ocijenjeni su kako slijedi:

#### LOT 1

	<b>Naziv / ime ponuđača</b>	<b>Ukupan broj bodova</b>
1.	„Niwex“ d.o.o. Derventa	100
2.	„DŽENA“ d.o.o. Gradačac	80,53

#### LOT 3

	<b>Naziv / ime ponuđača</b>	<b>Ukupan broj bodova</b>
1.	„Kovan M.I.“ d.o.o. Gračanica	99,00
2.	D.O.O. „VODO-INS“ Tuzla	89,17
3.	„DŽENA“ d.o.o. Gradačac	59,65

#### LOT 4

	<b>Naziv / ime ponuđača</b>	<b>Ukupan broj bodova</b>
1.	„DŽENA“ d.o.o. Gradačac	100

Na osnovu navedenog Ugovorni organ je prihvatio preporuku Komisije za javnu nabavku, broj: 12/1-23-012842/18 od 25.05.2018. godine i ugovori za javnu nabavku – Nabavka roba i radova rekonstrukcije javnih objekata u skladu sa Akcionim planom energijske efikasnosti javnih objekata na području Tuzlanskog kantona za 2018. godinu – sportske dvorane u Kladnju i Teočaku, dodijeljeni su kako slijedi:

Za LOT 1 dodjeljuje se ponuđaču „Niwex“ d.o.o. Derventa:

Broj ponude: 60/18; cijena ponude 45.170,00 KM (bez PDV-a), odnosno 52.848,90 KM (sa PDV-om), sa garantnim periodom od 200 mjeseci i rokom izvršenja radova od 4 dana kao najbolje ocijenjenom ponuđaču.

Za LOT 3 dodjeljuje se ponuđaču „Kovan M.I.“ d.o.o. Gračanica:

Broj ponude: 0418/2018T; cijena ponude 84.771,52 KM (bez PDV-a), odnosno 99.182,67 KM (sa PDV-om), sa garantnim periodom od 36 mjeseci i rokom izvršenja radova od 15 dana kao najbolje ocijenjenom ponuđaču.

Za LOT 4 dodjeljuje se ponuđaču „DŽENA“ d.o.o. Gradačac:

Broj ponude: 09-P-05/18-C; cijena ponude 45.366,00 KM (bez PDV-a), odnosno 53.078,22 KM (sa PDV-om), sa garantnim periodom od 36 mjeseci i rokom izvršenja radova od 60 dana kao najbolje ocijenjenom ponuđaču.

Na ovakvu Odluku o izboru najpovoljnijeg ponuđača, ponuđač „Vodo – ins“ d.o.o. Tuzla podnio je žalbu.

Žalba je dozvoljena, blagovremena i izjavljena od ovlaštenog lica.

U žalbi je istaknuto sljedeće: Da su uvidom u ponudu ponuđača „Kovan M.I.“ doo Gračanica uočene povrede i kršenja Zakona o javnim nabavkama BiH i uslovi postavljeni tenderskom dokumentacijom i to: Na strani 5 ponude navedeno je da ponuda važi do 17.09.2018. godine, a što je protivno traženom periodu od 120 dana, odnosno da ponuda treba da važi do 18.09. 2018. godine. Dalje u žalbi žalitelj navodi da stranice ponude nisu potpisane, pozivajući se na član 58. Zakona, a da na strani 7 ponude nije naveden eventualni popust na ponudu. Također je u žalbi istaknuti da je u Aneksu 12 ponuđač „Kovan M.I.“ upisao samo jedinične cijene za pojedine stavke a ne i ukupnu cijenu za pojedine stavke. Navedeno je također da Ponuđač „Kovan M.I.“ nije dostavio popis dokumentacije dostavljene uz ponudu i da Aneks 6 i Aneks 7 nisu uredno popunjeni obzirom da u istim nedostaje podatak o broju Službenog glasnika u kojem je objavljen predmetni postupak. Također je istaknut prigovor na ponuđeni rok izvršenja radova od strane „Kovan M.I.“ za koji žalitelj smatra da je nerealan i nemoguć zbog prirode samog posla i obima predmetnih radova.

Komisija za javnu nabavku je nakon dostavljene žalbe ponuđača „Vodo-ins“ d.o.o. Tuzla, izvršila ponovnu ocjenu ponuda za LOT 3 te je dana 05.06.2018. godine dostavila Izvještaj o radu, Zapisnik o ocjeni ponuda i Preporuku o izboru najpovoljnijeg ponuđača u postupku javne nabavke, u kojima je utvrđeno sljedeće:

- Da je ukupan broj prispjelih ponuda za LOT 3: tri.
- Da su blagovremeno zaprimljene za LOT 3: tri ponude.
- Da su ponude ponuđača „DŽENA“ d.o.o. Gradačac, „Vodo – ins“ d.o.o. Tuzla kvalificirane.
- Da ponuda ponuđača „Kovan M.I.“ d.o.o. Gračanica nije kvalificirana iz razloga što ponuda nije potpuna i ne ispunjava zahtjeve iz tenderske dokumentacije.

Uvidom u priloženu dokumentaciju, kvalificirani ponuđači ocijenjeni su kako slijedi:

### LOT 3

	<b>Naziv / ime ponuđača</b>	<b>Ukupan broj bodova</b>
1.	„VODO-INS“ d.o.o. Tuzla	100
2.	„DŽENA“ d.o.o. Gradačac	70,48

<b>PODACI O NAJPOVOLJNIJEM PONUĐAČU za LOT 3.</b>		
1.	<b>Naziv / ime ponuđača</b>	„Vodo-ins“ d.o.o. Tuzla
2.	Adresa	Ul. II Tuzlanske brigade br. 66, Tuzla
3.	Ukupna cijena ponude bez PDV-a	83.717,80 KM
4.	Ukupna cijena ponude sa PDV-om	97.949,83 KM
5.	Garantni period	24 mjeseca
6.	Rok izvršenja radova	60 dana

Na osnovu ponovne ocjene dostavljenih ponuda Komisija je dala preporuku da se Ugovor za LOT 3 dodijeli ponuđaču „Vodo-ins“ d.o.o. Tuzla.

Žalba je djelimično osnovana.

Članom 60. stav (1) Zakona o javnim nabavkama propisano je da period važenja ponude ne može biti kraći od roka navedenog u tenderskoj dokumentaciji. Tenderskom dokumentacijom tražen je period važenja ponude 120 dana odnosno do 18.09.2018. godine, obzirom da je ponuđač „Kovan M.I.“ u ponudi naveo da je period važenja ponude do 17.09.2018. godine istu je valjalo odbiti.

Navodi iz žalbe da stranice ponude ponuđača „Kovan M.I.“ nisu potpisane od strane ovlaštenog lica ponuđača nisu osnovane obzirom da Zakonom o javnim nabavkama nije propisana obaveza potpisa svake strane ponude. Ne upisivanje eventualnog popusta na ponudu može se smatrati manjim propustom jer isti nije doveo u sumnju niti je proizveo nejasnoće u iznos cijena pojedinačnih stavki kao i iznos ukupne cijenu ponude. Tenderskom dokumentacijom nije traženo da ponuđači upišu ukupan iznos pojedinačnih stavki, kao i da ponuđači dostave spisak dostavljene dokumentacije uz ponudu te se ovi navodi iz žalbe, da je ponuđač „Kovan M.I.“ ovo propustio učiniti, neosnovani. Ne upisivanje broja Službenog glasnika, u kojem je objavljen predmetni postupak, u Aneks 6 i Aneks 7 nije doveo u sumnju na koji se predmet javne nabavke ponuda odnosi kao ni vjerodostojnost izjave date u ovim aneksima te se isto može smatrati manjim propustom. Primjedba vezana za rok izvođenja radova, kao i druge primjedbe date u žalbi nisu mogle uticati na drugačije rješenje ove pravne stvari.

U skladu sa članom 100. stav (3) Zakona o javnim nabavkama, na preporuku Komisije za javnu nabavku Ugovornog organa donijeta je odluka kao u dispozitivu.

## **POUKA O PRAVNOM LIJEKU**

Protiv ove Odluke može se izjaviti žalba Uredu za razmatranje žalbi u skladu sa članom 100. stav (4) Zakona o javnim nabavkama, u roku od pet dana od dana prijema ove Odluke, putem Ugovornog organa.

**MINISTAR**

**Admir Huskanović**

Dostavljeno:

- „Džena“ d.o.o. Gradačac, Hasana Kikića b.b., 76250 Gradačac,
- „Kovan M.I.“ d.o.o. Gračanica, Grabovac b.b., 75 320 Gračanica,
- „Vodo – ins“ d.o.o. Tuzla, Ul. II Tuzlanske brigade br. 66., 75000 Tuzla,
- Evidenciji i
- Arhivi.